

**UGOVOR
O NABAVCI NAMJEŠTAJA
(LOT 1 i LOT 2)**

Ugovorne strane:

1. **MINISTARSTVO UNUTRAŠNJIH POSLOVA KANTONA SARAJEVO**, ulica La Benevolencije broj 16, Sarajevo, kojeg zastupa ministar Vedran Mulabdić (u daljem tekstu: Kupac)
2. **"ADUT PLUS" d.o.o. Banja Luka**, ulica Bulevar Vojvode Stepe Stepanovića 270, Banja Luka, kojeg zastupa direktor Dimitrije Dimitrić, (u daljem tekstu: Prodavac)

PREDMET UGOVORA

Član 1.

Predmet ugovora je nabavka namještaja za potrebe Ministarstva unutrašnjih poslova Kantona Sarajevo, nakon provedenog otvorenog postupka sa podjelom na LOT-ove, a prema objavljenom Obavještenju o nabavci broj 1364-1-1-53-3-47/18 od 23.11.2018. godine na osnovu Odluke o izboru ponuđača broj 01-14-4-8312/18 od 13.12.2018. godine.

Ponude Prodavca za LOT 1 i LOT 2 broj 144/18 od 11.12.2018. godine.

VRIJEDNOST UGOVORA

Član 2.

Ugovorne strane su se sporazumjele da kupoprodaja robe koja je predmet nabavke obuhvata sve elemente navedene u ponudama Prodavca na osnovu kojih je, zajedno sa elementima iz tenderske dokumentacije i sačinjen ovaj ugovor.

Isporuka se odnosi na:

LOT 1 – METALNE KASE I ORMARI

- Sigurnosna kasa, dimenzije 1580x620x530 – 1 kom
- Arhivski ormari, dimenzije 1820x900x400 – 4 kom
- Arhivski ormari, dimenzije 1950x930x430 – 17 kom
- Sigurnosna kasa, dimenzije 850x620x530 – 1 kom

Vrijednost ugovora sa uračunatim PDV-om za **LOT 1** iznosi **10.717,20 KM** (desethiljadasedamstosedamnaest i 20/100 KM).

LOT 2 – TELEKOMUNIKACIJSKI METALNI ORMARI

- Telekomunikacijski zidni metalni ormar 19" – 9U – 8 kom
- Telekomunikacijski samostojeći metalni ormar 19" – 16U – 1 kom
- Telekomunikacijski samostojeći metalni ormar 19" – 32U – 1 kom

Vrijednost ugovora sa uračunatim PDV-om za **LOT 2** iznosi **15.121,08 KM** (petnaesthiljadastodvadesetjedna i 08/100 KM).

ROK ISPORUKE

Član 3.

Rok isporuke robe iz člana 2. ovog ugovora je, za oba LOT-a 45 (četrdestpet) dana od dana potpisivanja ugovora, na adresu ugovornog organa, Zmaja od Bosne 9, Sarajevo. Sve troškove isporuke do primopredaje, kao i troškove reklamacije snosi Prodavac.

Prodavac se obavezuje da će odmah postupiti po eventualnim primjedbama Kupca u pogledu nedostataka na ime izvršene nabavke iz člana 2. ovog ugovora.

NAČIN PLAĆANJA

Član 4.

Plaćanje će se izvršiti na sljedeći način:

- 30% od vrijednosti ugovora avansno uz obezbjeđenje bezuslovne bankarske garancije za avansno plaćanje, a 70% po ispostavljenoj fakturi za isporučenu robu najkasnije u roku od 30 dana od dana ispostavljanja fakture.

GARANCIJE

Član 5.

Garantni rok za nabavku iz člana 2. ugovora je 60 (šezdeset) mjeseci od dana isporuke. Prodavac je dužan u roku od 10 (deset) dana od dana zaključivanja ugovora, dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

RJEŠAVANJE SPOROVA

Član 6.

Na ostala prava i obaveze ugovornih strana, koja nisu regulisana ovim ugovorom primjeniće se Zakon o obligacionim odnosima.

Član 7.

Eventualno nastale sporove pri realizaciji ovog ugovora, ugovorne strane će rješavati sporazumno, a u slučaju da se ne riješe sporazumno, utvrđuje se nadležnost suda u Sarajevu.

Član 8.

Svaka od ugovornih strana može otkazati ovaj ugovor u pisanoj formi, uz otkazni rok od 15 (petnaest) dana iz razloga koji su utvrđeni u Zakonu o obligacionim odnosima.

ZAVRŠNE ODREDBE

Član 9.

Ugovor stupa na snagu danom potpisivanja obje ugovorne strane i traje do realizacije isporuke.

Član 10.
Ovaj ugovor je sačinjen u četiri (4) istovjetna primjerka, od kojih po dva (2) zadržava svaka ugovorna strana.

PRODAVAC
"ADUTAEUS" d.o.o. Banja Luka



Datum: 31.12.2018.
Broj: 144/18-1



KUPAC
MINISTARSTVO UNUTRAŠNJI POSLOVA
KANTONA SARAJEVO

Ministar
Enes Mulabdić

Datum: 21. dec. 18.
Broj: 01-14-4-8312-1